

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՀԱՆՐԱՔՎԵԻ ԿԵՆՏՐՈՆԱԿԱՆ  
ՀԱՆՁՆԱԺՈՂՈՎ**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՍԱՀՄԱՆԱԴՐՈՒԹՅԱՆ ՓՈՓՈԽՈՒԹՅՈՒՆՆԵՐԻ**

**Հ Ա Ն Ր Ա Ք Վ Ե**

**6 դեկտեմբերի 2015թ.**

**Ձ Ե Ռ Ն Ա Ր Կ**

**ՏԵՍՈՂՈՒԹՅԱՆ ՊԱՏՃԱՌՈՎ  
ՔՎԵԱՐԿՈՒԹՅԱՆԸ ՄԱՍՆԱԿՑԵԼՈՒ  
ԴԺՎԱՐՈՒԹՅՈՒՆՆԵՐ ՈՒՆԵՑՈՂ  
ՔԱՂԱՔԱՑԻՆԵՐԻ ՀԱՄԱՐ**

**ԵՐԵՎԱՆ 2015**

## ***Հարգելի մասնակից***

**Հանրաքվեի քվեարկությունը տեղի  
կունենա**

**2015 թվականի դեկտեմբերի 6-ին:**

**Քվեարկությունն անցկացվում է տեղա-  
մասային կենտրոններում՝ քվեարկության  
օրը ժամը 8:00-ից մինչև 20:00-ն:**

***Հանրաքվեին մասնակցելու իրավունք  
ունեցող քաղաքացին քվեարկությանը  
մասնակցում է անձամբ. լիազորված  
քվեարկությունն արգելվում է:***

**Քվեարկության կարգը  
տեղամասային կենտրոնում**

**Քվեարկությանը ներկայացած քաղաքացին պետք է գրանցվի ներկայացնելով անձնագիր կամ նույնականացման քարտ կամ անձնագրին փոխարինող ժամանակավոր փաստաթուղթ:**

**Գրանցվելու համար հանձնաժողովի անդամը ստուգում է Ձեր ինքնությունը և ցուցակում լրացնում Ձեր անձը հաստատող փաստաթղթի տվյալները, որից հետո Դուք պետք է ստորագրեք այդ տվյալների դիմաց: Եթե Դուք չեք կարող ինքնուրույն ստորագրել, ապա Ձեր համաձայնությամբ, Ձեր փոխարեն կարող է ստորագրել այլ քաղաքացի, որը չպետք է լինի հանրաքվեի հանձնաժողովի անդամ:**

Այնուհետև Դուք ստանում եք քվեաթերթիկ և քվեարկության ծրար: Քվեաթերթիկը տեղավորվում է քվեաթերթիկին համապատասխանող կաղապարում:

Ձեր ցանկության դեպքում՝ Ձեզ օգնելու իրավունք ունեցող քաղաքացին, Ձեզ համար կկարդա քվեաթերթիկում նշված տվյալները: Դուք շոշափելով կգտնեք կաղապարի համապատասխան դատարկ անցքը և ինքնուրույն V ձևի նշում կատարեք քվեաթերթիկում, որից հետո քվեաթերթիկը հանեք կաղապարից, ծալեք և ինքնուրույն կամ Ձեզ օգնելու իրավունք ունեցող քաղաքացու օժանդակությամբ այն տեղավորեք քվեարկության ծրարում:

✓ Քվեաթերթիկը լրացնելու և քվեարկության ծրարում տեղավորելու համար

**Դուք հանձնաժողովի նախագահին տեղեկացնելուց հետո իրավունք ունեք քվեարկության խցիկ հրավիրելու այլ անձի, որը չպետք է լինի ընտրական հանձնաժողովի անդամ, վստահված անձ կամ դիտորդ:**

**Եթե կարծում եք, որ քվեաթերթիկը սխալ եք լրացրել կամ վնասել եք, ապա կարող եք դիմել հանձնաժողովի նախագահին՝ նոր քվեաթերթիկ ստանալու համար:**

**Քվեարկելուց հետո մոտենում եք քվեատուփին:**

**✓ Եթե Դուք քվեարկությանը մասնակցում եք անձնագրով, ապա հանձնաժողովի անդամը ստուգում է հանրաքվեին մասնակցելու վերաբերյալ դրոշմակնիքի բացակայությունը և դրա բացակայության**

**դեպքում դրոշմակներում Ձեր անձ-  
նագիրը.**

**✓ եթե Դուք քվեարկությանը մաս-  
նակցում եք նույնականացման քար-  
տով, ապա հանրաքվեին մասնակցելու  
վերաբերյալ դրոշմակնիքի բացա-  
կայությունը չի ստուգվում, իսկ նույ-  
նականացման քարտը չի դրոշմա-  
կնքվում,**

**այնուհետ ծրարը դնում եք համապատաս-  
խան աշխատասեղանին և հանձնաժողովի  
անդամը՝ առանց ծրարը ձեռքը վերցնելու,  
բացելու և ստուգելու կնիք է դնում ծրարի  
ցանկացած կողմում, բացում է քվեատուփի  
ճեղքը և հնարավորություն ընձեռում  
քվեարկության ծրարը քվեատուփի մեջ  
զցելու համար:**

# **Ուշադրություն.**

**Արգելվում է որևէ ձևով տեղեկանալ, թե քվեարկության մասնակիցն ինչպես է քվեարկում:**